

K O N T U B A T .



Arakin-degi baten
 Chakur bat zan sartu
 Eta aragi zati
 Bat ortzetan artu.
 Chakurrari deadarka
 Arakiña asi
 Eta chakurra juan zan
 Beraren igasi.
 Igeri bazijuan
 Pasatzen ibaia
 Ortzetan zeramala
 Bere aragia.
 Ispillua beziñ zan
 Ibaia argia
 Ustez ikusten zuan
 Urtan aragia.

Sartu zan ur-barrura
 Artzeko ustian
 Aokoa utzirik
 Bien bitartian.
 Ur-barruan etzuan
 Ezercho arkitu
 Lenagokoaz berriz
 Gabe zan gelditu.
 Egiñ nai zualako
 Bi zatien jabe
 Gero arkitu zan bat
 Bera ere gabe.
 Kontu onetan zaigu
 Egi bat azaltzen
Guzia nai duanak.
Guzia du galtzen.

PEDRO MIGUEL DE URRUZUNO.

